

西  
夏  
書  
事

西夏書事卷十二

青浦 吳廣成西齋 纂

景祐二年

契丹重熙四年

春正月元昊改元廣運

或言開運乃石晉敗亡號故改

宋史夏國傳作改元廣民今從李氏

長編

三月遺匿名書于環州

環州知州高繼嵩久任西土以勇敢聞元昊惡之  
將其遺箭繫以匿名文字言繼嵩已投本國置于  
延州境上部署司以聞繼嵩不自安表乞還朝右

司諫韓琦曰繼嵩背義投西元昊果忠于朝廷則當密奏其事何必以遺箭達其叛狀乎其爲反間無疑也仁宗命繼嵩勿離所治元昊之計不行

夏五月太白犯填星

在輿鬼

殺妃衛慕氏

衛慕元昊舅氏女幼孤育于惠慈太后當后被弑時氏以大義責元昊元昊盡誅其族因氏懷妊幽之別宮及生子野利氏譖其貌類他人元昊怒并

子殺之

秋七月以兵入環慶

元昊使首領訛遇等率兵數入寇環慶路部署司  
以聞

冬十月加中書令

仁宗受尊號加恩內外遣內侍省都知馮從順至

興州進元昊中書令元昊受之益倨

富弼奏狀朝廷累次遣使

元昊多不致恭或故作滯留而不迎或伴爲忿遽而見迫或欲負展而對或欲專席而居雖相見之初誓御臣下之服而送出之後便具帝者之儀

十一月自將攻西蕃敗唃廝囉將安子羅師還潰于宗哥河

唃廝囉居邈川以諭逋溫逋哥亂集兵殺之徙居青唐城元昊知其衰困出兵攻宗哥帶星嶺諸城進圍青唐唃廝囉遣部將安子羅以兵十萬絕其後元昊還兵與戰晝夜角鬪至二百餘日子羅方敗時元昊糧匱士卒飢死者衆至宗哥河半渡子羅潛使人決水淹之大潰還

王氏東都事畧元昊攻唃廝囉取瓜沙肅

三州宋史夏國傳亦云元昊敗唃廝囉部將安子羅兵取瓜沙肅三州攻元昊與子羅戰在景祐二

年十一月取三州在三年七月瓜州在五代時猶與吐蕃襟處若沙肅二州宋初卽爲回鶻所據二書連敘殊混

### 遣使入貢

元昊雖反猶歲遣人入貢使者出入民間無禁工部侍郎韓億請除館舍禮之使官主貿易立羈防夏使始斂

按此夏使館市之始

十二月復攻西蕃大敗于河湟

元昊憤宗哥之潰并兵臨河湟唃廝囉知衆寡不

敵壁鄯州不出元昊已渡河插幟志其淺廝囉偵  
得之潛使人移植深處及戰元昊潰歸士卒視幟  
而渡溺死者大半所失輜鹵甚衆廝囉數以奇計  
破夏兵元昊遂不敢窺其境 呂大防曰元昊旣  
得甘涼遂有窺隴蜀之志緣唃氏中強不敢復思  
進取蓋有以撓其後也

按  
唃廝囉以鹵獲來獻朝議加廝囉節度使樞  
密院韓億以爲二虜皆藩臣今不論令解仇乃  
因捷加賞非所以御四夷也議遂寢嗚呼元昊

寇府州犯環慶執朝廷命官叛狀屢著尙得謂  
之藩臣乎今不因斲囉兵勢加之節鉞使統諸  
蕃以披其背及其退居歷精夏勢猖獗急而求  
之無能爲已

景祐三年

契丹重熙五年

元昊廣運二年春正月還自西蕃

妃索氏有罪自殺

索氏元昊第二娶素無寵元昊攻斲囉兵敗訛  
傳已死索氏喜日娛音樂益自修容旣元昊還懼  
罪自殺元昊滅其家



按索氏畏懼自殺元昊未之罪也書有罪何倫  
常之理不以夷狄殊索氏聞夫死而喜罪莫甚  
焉

夏四月羈天竺國進奉僧于夏州

天竺入貢東行經六月至大食國又二月至西州  
又三月至夏州先是僧善稱等九人至京師貢梵  
經佛骨及銅牙菩薩像留京三月仁宗賜束帛遣  
還抵夏州元昊留于驛舍求貝葉梵經不得羈之  
由是西域貢僧遂絕

秋七月攻回鶻取瓜沙肅三州

瓜沙肅諸州本唐歸義軍向陷于回鶻建隆中節度使曹元忠以州內附子孫世主軍事元昊引兵攻之求援于回鶻不應三州相繼沒于是元昊盡有河西之地

按河西舊屬月支漢分酒泉敦煌兩郡黑山峙其東北黃河遶其西南地方二千餘里川無蛇虺澤無虎兕誠羌戎之都會屯守之要區也歷南北朝爲諸涼所據唐大歷中始陷吐蕃宋初

回鶻得之遂號富強太祖時沙州曹元忠雖舉地來歸亦羈縻勿絕而已元昊自涼州盡有其地則控制伊西平吞漠北從此用兵中原無後顧憂矣

九月定兵制

西夏風氣強梗民多耐寒暑忍飢渴而性惡雨雪其部族一家號一帳小族數百帳大者千餘帳故制年登十五爲丁每有戰鬪隨族之大小出丁助陣元昊立制率二丁取正軍一人每負擔一人爲

一抄負擔者隨軍雜役也四丁爲兩抄餘號空丁  
願隸正軍者得射他丁爲負擔無則許射正軍疲  
弱者爲之故壯者得正軍爲多凡正軍給長生馬  
馳各一死則償之團練使以上帳一弓一箭五百  
馬一橐駝五旗鼓鎗劍棍棒抄袋雨毡渾脫背索  
鍬鑊斤斧箭牌鐵策箠各一曾氏隆平集云凡年  
六十以下十五以上  
皆自備弓矢甲冑而刺史以下無帳無旗鼓人各  
行與宋史夏國傳異橐駝一箭三百幕梁一兵三人同一幕梁幕梁織  
毛爲幕而以木架之有砲手二百人號潑喜陡立

旋風砲于橐駝鞍縱石如拳得漢人勇者爲前軍  
號撞令郎若脆怯無他技令往守肅州或遷河外

耕作合國內諸州計之總兵五十餘萬

曾氏隆平集云趙德

明時兵十萬而已元昊遂踰十五萬自以地廣兵  
勁敢行叛逆今以宋史夏國傳攷之曾說尙畧

別立揔生軍十萬興靈之兵精練者二萬五千別

副以兵七萬爲資擔另選豪族善弓馬五千人迭

直號御園內六班直分三番宿衛月給米二石每

有事于西則自東點集而西于東則自西點集而

東中路則東西皆集遇敵則虛設砦帳伏兵包敵

後以鐵騎爲前軍乘善馬重甲斫刺不入用鈎索  
絞聯雖死不墜其兵凡三千分十部戰則先出突  
陣陣亂則衝擊之步兵挾騎以進發兵則以銀牌  
召部長面受約束晝則舉烟揚塵夜則篝燈爲候  
出戰率用隻日避晦日資糧不過一旬戰則大將  
居後或據高險弓皮弦矢柳箬中之必貫甲曾氏隆平  
集云夏兵長于騎射不善刀鎗而柳故所向無不  
弓皮弦遇雨雪則不能施又其所短破也

# 立軍名

唐制節度使下刺史亦得掌兵宋懲五代之弊特  
設通判以莅州政其徵調征伐進退軍將仍聽節  
度使表聞德明復自置防禦使職元昊地廣兵衆

因分左右廂立十二監軍司曰左廂神勇駐天曰

石州祥祐宋史夏國傳种諤克米脂進攻石州意卽其地曰宥州嘉寧駐宥

州曰韋州靜塞駐韋州曰西壽保泰駐柔狼山北曰卓囉

和南駐黃河北岸曰右廂朝順駐夏州曰甘州甘肅駐唐

剛丹縣故地曰瓜州西平駐瓜州曰黑水鎮燕駐兀刺曰

白馬強鎮駐鹽州曰黑山威福駐漢居延故城東北限大澤西北接沙磧

諸軍並設都統軍副統軍監軍使一員以貴威豪  
右領其職餘指揮使教練使左右侍禁官數十不  
分蕃漢悉任之

冬十月攻蘭州諸羌破之築城于瓦川

元昊旣取河西地遂有窺隴蜀之志恐吐蕃諸族  
爲中國用舉兵循阿干河盡破蘭州諸羌南掠地  
至馬銜山築城瓦川會留兵鎮守絕西蕃與中國  
相通路

按瓦川爲西蕃要路蘭州諸羌所藉以通中國



者元昊作城戍守于是唃廝囉諸族隔在塞外  
聲勢不復相聯書以惡之

十二月誘西蕃叛唃廝囉

初唃廝囉娶李立遵女生二子曰瞎毡曰摩角毡  
又娶喬氏生子曰董毡立遵死李氏寵衰斥爲尼  
錮之廓州瞎毡等結母黨李巴全竊載其母出奔  
瞎毡據河州摩角毡據邈川撫有其衆唃廝囉不能  
制元昊聞二子怨其父陰以重賂間之且誘諸酋  
歸附有溫逋哥子一聲金龍

溫逋哥本唃廝囉論逋  
論逋者相也溫逋哥

作亂被殺擁衆萬餘叛附元昊結爲婚姻廝囉勢蹙更

與喬氏西徙歷精城

高永年元符罷右日錄元昊既行賂間廝囉二子遂舉兵

數犯宗哥及破麓牛城廝囉勢折西徙青唐與趙珣聚米圖經異

景祐四年

契丹重熙六年

元昊大慶元年春正月始制蕃書

改元

元昊善繪畫明律法

史言其案上常置法律書

通蕃漢文字能

創製物始嘗以己意造蕃書令謨寧令野利仁榮

演繹之

新唐書慶州蕃落有野利氏族五沈括筆談元昊叛其徒野利遇乞先創造蕃字獨

居一樓累年方成至是獻之與宋史夏國傳異

成十二卷字形方整體類

八分

曾氏隆平集及李氏長編謂其字形屈曲如符篆

而畫頗重複教國

人用以紀事群臣上表獻頌遂改廣運三年爲大

慶元年

按

西域書多異文有驢屑書蓮葉書節分書大

秦書馱乘書犍牛書樹葉書起屍書石旋書覆

書天書龍書鳥音書凡六十四種元昊所造或

亦類是然自是以後國中紀事悉用蕃書歷二

百餘年不復改正夏史失傳良由于此書惜之

也

夏五月升州郡益邊防

元昊既據夏

太平寰宇記漢朔方郡晉亂為赫連氏所據築統萬城曰夏州後魏置宏

化郡唐貞觀初平梁師都改夏州都督府領夏綏

銀三州中和中賜名定難軍入于李氏今甘肅寧

夏銀州陝西通志漢西河郡圖陰縣周武定中置銀

府銀州隋大業二年廢唐貞觀二年平梁師都重

置銀州中和中入于綏太平寰宇記漢雕陰縣地

李氏今陝西葭州界後魏置綏州唐置總管府

後屬夏綏銀節度中和中省陝西通志取寬宥為

入于李氏今陝西綏德州名唐開元二十六年

置天寶中改為寧朔郡乾元二年復為宥州寄理

于經畧軍蓋以地形居中可以總統蕃部寶應後

遂廢元和九年復置屬夏綏節度靜隋為宏靜縣

唐末入于李氏今在榆林府西界靜圖經云宏靜

本漢城居河外三里乃北魏薄骨律鎮之倉城也

太平寰宇記云唐神龍初改為安靜至德元年又

改保靜後升爲州漢乾祐中屬靈郡一統志秦北地  
定難軍今寧夏府東南靈州界靈郡後魏孝昌二  
年置靈州陸恭之風土記云朔方故城太和中改  
沃野鎮後周置普樂郡隋大業三年改爲靈武郡  
唐爲靈州又爲靈武郡開元中置朔方節度使五  
代爲朔方軍治宋咸平中入于夏今甘肅靈州府  
鹽太平寰宇記西魏廢帝二年置隋改鹽川郡唐  
武德元年復改鹽州貞元中沒于吐蕃九年復  
城之名鹽川府又名保塞軍又曰鹽會甘肅通志  
州在靈州北三百里今定邊營是會云漢武威  
郡西魏置會州隋開皇十六年置會寧縣屬平涼  
唐武德二年平李軌置新會州廣德後沒于吐蕃  
宋初亦曰會州雍熙中沒勝郡太平寰宇記秦雲中  
于夏今爲蘭州府靜遠縣勝郡漢王莽改曰受降  
屬并州漢末大亂其地遂空自晉末迄于周代置  
鎮不立郡縣隋開皇中置勝州唐初沒于梁師都  
貞觀三年復之宋咸平中甘西魏更名涼州後周  
沒于夏今在榆林府北界

復置張掖郡隋開皇初廢唐武德二年李軌平復  
改甘州屬河西道永泰二年陷于吐蕃大中中為  
回鶻所據宋天聖中夏涼一統志云本漢武威郡  
取之今為甘肅甘州府涼元封五年置涼州部刺  
史統之魏文帝始名涼州北魏改州為鎮太和十  
四年復置涼州隋大業初復為武威郡唐武德二  
年復置涼州廣德中陷于吐蕃瓜一統志云漢敦  
宋初置西涼府今為涼州府瓜煌郡冥安縣地  
周併入涼興縣唐置瓜州尋沒于吐蕃五代時瓜  
州與吐蕃雜處曹義金遣使入貢宋天聖中入于  
夏今為甘沙古西戎地陝西通志春秋時謂之瓜  
肅安西衛沙州左傳允姓之戎居于瓜州是也漢  
屬敦煌郡周置鳴沙縣隋大業初復置敦煌唐武  
德五年復置西沙州貞元後沒于吐蕃宋初為回  
鶻所據太宗時曹元忠以州歸于肅古西戎地一  
宋景祐中入于夏今甘肅沙州肅一統志云漢元  
狩二年開置酒泉郡隋初郡廢仁壽二年置肅州  
唐屬隴右郡大歷元年陷于吐蕃宋初回鶻據之

景祐中入于夏諸州立國而以石堡洪門諸鎮升  
今爲甘肅肅州

爲洪

甘肅通志云舊洪門鎮唐邠寧節度使張獻  
甫所築夏號洪州今甘肅寧夏府寧朔縣界

威鄭

文寶奏議威州在清遠軍西北八十里樂山  
之西唐大中時靈武朱叔明收長樂州邠寧張

君緒收六關卽其地也龍甘肅通志云本延州西  
今爲靈州西北威振堡龍石堡鎮至道中入夏號

龍州今在靈定唐軍名元和志及通典云靈州有

州平羅縣界定遠城在州東北二百里黃河外

俗呼爲田州先天二年郭元振置新唐志又名警

州宋初置定州咸平中入于夏今在靈州東北新

渠縣四州又以肅州爲蕃和郡甘州爲鎮夷郡置

宣化府東盡黃河西界玉門南接蕭關北控大漠

地方萬餘里倚賀蘭山爲固料兵設險以七萬人

護衛興慶五萬人鎮守西平五萬人駐賀蘭山左

廂宥州路以五萬人備廊延有克胡山昇平塔那

藏底河界臺為界埃內包杏嶺有屈野川大和谷

子河白洛嵩囉兀嶺等險要麻也娘諸路以饒

畔浪松本晉堆為界埃內包府有端正平榆木川

神堆澤荒堆三泉等險要昇囉嶺諸路以福

柞嶺青沒怒川浪骨堆為界埃旁約吳右廂甘州

麗烽女萌烽立子谷龍移川等險要右廂甘州

路以三萬人備西蕃有撲丁原莊浪族喬家族諸

內包斫龍川回紇有合黎山浚稽山居延塞諸路

採牟嶺等地以牛頭朝那山為界埃內包張

掖敦煌自河南洪州白豹安鹽州至羅洛天都惟

等處以五萬人備環有陷道口打米谷蒙毛



襄羅節硯為界埃內慶有西際略駱駝巷萌門三  
包蝦蟇折薑諸和市慶岔諸路以勒崖原為卓望  
王尙原裏乾谷為界埃旁約蒼雞鎮戎軍有吃囉  
七通多移塔通祖盧門城等地  
城殺獐川諸路以劈通流枰施嶺為界  
埃旁約蕭關寺子盆沒煙前後等峽  
自河北至  
午臘蕩山李氏長編作臥囉娘山吳興祚方輿紀  
要元吳河南曰鹽州路河北曰安北路  
與宋史夏以七萬人備契丹有金肅河清諸路並  
國傳異  
隆鎮沒兒雀悉命而禦邊善戰尤倚山訛山訛者  
女女越都等蕃族  
橫山羌田兒奏議山界人民繁庶元昊入寇則料  
率糧糗多出其間山界之民引弓甚勁夏  
人謂之平夏兵不及也  
步奚

按書西夏地理始此

秋七月更定禮樂

夏州沿党項蕃俗自赤辭臣唐始習尊卑跪拜諸儀而其音樂尙以琵琶擊缶爲節僖宗時賜思恭鼓吹全部部有三駕大駕用一千五百三十人法駕七百八十一人小駕八百一十六人俱以金鉦節鼓擗鼓大鼓小鼓鐃鼓羽葆鼓中鳴大橫吹小橫吹簫栗桃皮箎笛爲器歷五代入宋年隔百餘而其音節悠揚聲容清厲猶有唐代遺風迨德明內附其禮文儀節律度聲音無不遵依宋制元昊

久視中國爲不足法謂野利仁榮曰王者制禮作樂道在宜民蕃俗以忠實爲先戰鬪爲務若唐宋之縟節繁音吾無取焉于是于吉凶嘉賓宗祀燕享裁禮之九拜爲三拜

沈括筆談云元昊令國中悉用胡禮卽此革樂

之五音爲一音

王鞏聞見近錄云增五音爲六與夏臺事迹異令于國中

有不遵者族

按

書西夏禮樂始此

冬十一月設蕃漢二字院

元昊旣制蕃書尊爲國字凡國中藝文誥牒盡易

蕃書于是立蕃字漢字二院漢習正草蕃兼篆隸  
其秩與唐宋翰林等漢字掌中國往來表奏中書  
漢字旁以蕃書並列蕃字掌西蕃回鶻張掖交河  
一切文字並用新制國字仍以各國蕃字副之以  
國字在諸字之右故蕃字院特重

寶元元年

契丹重  
熙七年

夏大慶二年春正月朔日有食之

于是元昊僭謀益急

表請供佛五臺山

元昊使人往來中國熟悉邊臣因循之勢久思攻

取河東是時欲議進兵道路表請供佛五臺乞使  
臣引護并給館券仁宗從之

夏四月興平公主卒

公主素與元昊不睦先是元昊遣使貢于契丹不  
以病告既卒契丹主遣北院承旨耶律庶成持詔  
詰問

按此契丹西夏開隙之始異日幽州之師集而  
不發其以此夫

秋七月盟諸蕃于賀蘭山謀攻鄜延

元昊入貢路由鄜延久謀取之特以部下諸蕃向背不齊未敢猝動迨使人自五臺還知河東備禦完固悉會諸族豪酋于賀蘭山坡與之盟各刺臂血和酒置觴牀中共飲之約先攻鄜延自德靖塞門赤城路三道並入諸酋有諫者輒殺之兵將發或言未建大號不足以服衆乃復止

九月左廂監軍山遇內奔至延州被執

山遇名惟亮元昊從父也與弟惟永分掌左右廂兵其從弟惟序亦親近用事元昊數窺邊山遇諫

曰中國地大兵多關中富饒環慶鄜延據諸邊險  
要若此數路城池盡修攻守之備我弓馬之技無  
所施牛羊之貨無所售一二年間必且坐困不如  
安守藩臣歲享賜遺之厚國之福也元昊不聽心  
惡其不從已語惟序曰汝首山遇反吾以山遇官  
爵與汝不然俱族滅矣惟序不忍更以告山遇山  
遇欲內降惟承曰南朝無人不知兀卒所爲將不  
信兄兄必交困山遇曰事至此不得已也若南朝  
有福則納我矣遣人持誥敕詣金明巡檢李士彬

所欲自將兵扼黃河南渡發部落內屬入告其母  
獨孤氏母曰汝自爲計我年八十餘不能從汝去  
爲汝累當置我室中縱火焚之山遇等涕泣如母  
言挈其妻野利羅羅司馬光日記云韓周言子阿  
山遇妻李氏先自殺誤子阿  
遇及親屬二十二人以珍寶名馬內奔是月至保  
安軍知軍朱吉以告知延州郭勸勸與鈐轄李渭  
議自德明納貢四十年有內附者未嘗留因遣山  
遇還山遇不可謂等疑其詐令人執之山遇與惟  
永惟序等號哭稱冤勸等不聽命監押韓周將兵



衛送于夏州

按山遇手掌西夏軍政其初至延州時卽言元  
昊精兵纔八萬人餘皆老弱不堪戰鬪蓋深悉  
國中虛實者若留以爲西蕃屏翰則用其手足  
制其腹心較之中朝將佐冒昧操戈其效當不  
啻倍蓰乃遣使執送不特阻戎人向化之心而  
朱室寡謀早被元昊窺見一斑矣

山遇還至宥州殺之

元昊恐山遇入漢率師來討自將兵出駐宥州部

署蕃族爲禦敵計會韓周送山遇至與元昊見于  
鐺移坡元昊衣錦袍黃綿胡帽不肯受曰延州誘  
我叛臣我今引兵問罪當于知州廳前受之周說  
諭良久始聽遂集從騎射殺山遇父子山遇有勇  
畧其死也國人哀之 富弼曰西界地多帶山馬  
能走險瀚海彌遠水泉不生王旅徂征軍需不給  
窮討則遁匿退保則襲追以逗撓爲困人之謀以  
遲久爲匱財之計元昊恃此險阻敢肆猖狂復知  
先朝屢次兵征終棄靈夏今其自負強盛有逾往

時而爲之羽翼者又皆狡焉多謀憤然思逞山遇  
雖欲遏之得乎然其一心向化爲庸奴所敗遂致  
身死族滅遇亦窮矣

冬十月元昊稱帝建國號大夏改元天授禮法延祚  
元昊稱兀卒已數年兀卒者華言青天子謂中國  
爲黃天子也至是與野利仁榮楊守素等謀稱帝  
號于是月十一日築臺興慶府南

徐午一統志表  
夏州自李元昊

建國稱帝尋徙州遂廢是  
未明元昊建號在興州也受冊卽皇帝位改大慶

二年曰天授禮法延祚元年以野利仁榮嵬名守

全張陟張絳楊廊徐敏張文顯爲中書樞密侍中  
等官專主謀議以楊守素鍾鼎臣鬼名聿榮張延  
壽爲官計受納諸司主文書以野利旺榮野利遇  
乞成逋克成臥都賞多如定多多馬寶維吉分駐  
十二監軍司地主兵馬其餘拜授有差

上謚號

元昊令羣臣奉冊謚祖保吉曰神武皇帝廟號太  
祖妣野利氏曰順成懿孝皇后父德明曰光聖皇  
帝廟號太宗妣衛慕氏曰惠慈敦愛皇后已立妃

野利氏爲憲成皇后子甯明爲皇太子

十一月祀神西涼府遂不遣賀郊人使

元昊遣潘七布昌里馬乞點兵集蓬子山自詣西涼府祀神時中國南郊故事諸藩有貢元昊因自帝不復使賀仁宗詔陝西河東舊與元昊界互市者所在禁絕之

西夏書事卷十三

青浦 吳廣成西齋 纂

寶元二年

契丹重熙八年

夏天授禮法延祚二年春正月遣

使以稱帝入告

元昊遣樞密使御史大夫等官奉表抵延州郭勸等以表函尙稱臣令韓周伴送入京至東華門始去本國服至殿呈表畧云臣祖宗本出帝胄當東晉之末運創後魏之初基遠祖思恭于唐季率兵拯難受封賜姓祖繼遷心知兵要手握乾符大舉

義旗悉降諸部臨河五郡不旋踵而歸緣境七州  
悉劵肩而克父德明嗣奉世基勉從朝命夏主之  
號夙感于頒宣尺土之封顯蒙于割裂臣偶以狂  
斐制小蕃文字改大漢衣冠革樂之五音裁禮之  
九拜衣冠旣就文字旣行禮樂旣張器用旣備吐  
蕃塔坦莫不稱臣張掖交河咸甘稽首稱王則不  
喜朝帝則是從輻輳是期山呼齊舉伏願一抔之  
土地建爲萬乘之邦家再讓靡遑羣集又舉事不  
獲已顯而行之遂以十月十一日郊壇備禮爲世

祖始文本武興法建禮仁孝皇帝

王鞏聞見近錄  
寶元中元昊始

遣介稱教練都使乞于其國  
中稱元卒與宋史稱帝事異

國稱大夏建元天授

伏望皇帝陛下睿哲成人寬慈及物許以西郊之  
地備爲南面之君敢竭庸愚常敦歡好魚來雁往  
任傳鄰國之音地久天長永鎮邊方之患至誠瀝  
懇仰俟帝俞謹遣弩涉俄疾你斯悶臥普令濟鬼  
伽崖嬭奉表詣闕以聞朝廷却其所獻馳馬猶善  
遇使者使者臨行不肯受詔及所賜物而還富  
弼曰元昊反狀素彰表詞犯順故其使介赴闕個



強少馴以不辱君命爲有才以能抗中國爲善策  
朝廷若察其敢來之意伐其所叛之謀存之適以  
遂其奸誅之足以喪其魄立行羈執盡肆市朝事  
旣乖其本心勢將行吾所令于此赫然震怒或發  
兵聲討或命將備邊上則可以示中國不測之威  
下則可以杜奸宄好亂之漸戰士必爲之增氣戎  
人且憚而失圖豈不韙哉豈不快哉

二月白豹砦都指揮使裴永昌內奔

柔遠砦蕃官珪鬼招之以降仁宗詔補三班借職

本族巡檢

夏四月遣使購中國宮人

初仁宗放宮人二百七十名

李氏長編作二百七人今從宋史悉

任所之元昊陰以重幣購得數人納諸左右于是朝廷刑賞宮闈陰事纖悉具知

五月定朝儀

宋承唐制以元日五月朔冬至行大朝會禮羣臣上壽設宮縣萬舞其常朝儀百官入赴文德殿正衙日常參五日起崇德殿起居元昊僭謀陰蓄

使介往來久悉中朝典故至是子正朔朝賀雜用唐宋典式而見官屬以六日爲常參九日爲起居均令蕃宰相押班百官以次序列朝謁舞蹈行三拜禮有執笏不端行立不正趨拜失儀者並罰

建蕃學

夏州自五代後不列職方其官屬非世族相傳卽幕府遷擢尙無科目取士之法元昊思以胡禮蕃書抗衡中國特建蕃學以野利仁榮主之譯孝經兩雅四言雜字爲蕃語寫以蕃書于蕃漢官僚子

弟內廷俊秀者入學教之俟習學成效出題試問  
觀其所對精通所書端正量授官職并令諸州各  
置蕃學設教授訓之

西蕃唃廝囉攻涼州

唃廝囉西徙中阻瓦川城不復通中國仁宗遣左  
侍禁魯經自古渭川抵歷精城加廝囉保順節度  
邈川大首領使背擊元昊廝囉出兵四萬五千襲  
西涼守將遣兵禦之不得進殺游邏數百人聲言  
圖再舉然卒不能也

遣謀誘蕃漢民六月削賜姓官爵

元昊慮中國兵臨潛使人出入諸邊刺探機事並

煽誘蕃漢歸附仁宗下詔削奪賜姓官爵

宋敏求春明退

朝錄趙德明歸欵真宗賜以宗姓不附屬籍晁文  
元草制云奕世荷殿邦之德舉宗聯命氏之榮而  
宋史仁宗紀云六月壬午削趙元昊  
官爵除屬籍誤茲依商氏續綱目揭榜于邊募

人能擒元昊若斬首獻者授定難節鉞賞錢二百

萬能捕所遣刺探者賞錢十萬西界蕃漢職員能

帥族內順者等第推恩 李燾曰呂氏家塾記云

許公在大名時聞朝廷降此詔驚曰謀之誤矣立

削奏曰前代方鎮叛命如此詰誓則有之非所以御戎狄也萬一有不遜語得無損國體乎朝廷議改未及果有嫚書事

秋七月授延州人劉重信環州刺史

重信世居延州聞元昊稱帝往投授環州刺史改名竒徽令其招誘延州諸部屬羌尋爲金明都監李士彬捕得送京師伏誅

八月請置權場于延州

延州逼近夏國蕃漢素相熟習元昊以保安軍舊

市奉詔禁止遣使請于延州再建榷場意在脇制中國也仁宗不許

九月置尙書令設十六司

元昊以中書不能統理庶務仿宋制置尙書令攷百官庶府之事而會決之又改宋二十四司爲十六司分理六曹于是官制漸備

冬十一月寇保安軍不克

夏國與鄯延環慶涇原毗接其環慶路邊砦排密近者三十里遠者四五十里列據要害蕃部素不

知其山川道路兼有宿將劉平趙振等爲之守禦其涇原路有鎮戎軍渭州城兩處壁壘堅固屯兵亦衆所置蕃落弓箭手甲騎精強而西蕃瞎毡據河州牽制兵勢所以元昊不輕犯其境惟鄜延地濶砦疎自承平至安遠約二百里自長寧至黃河一百里並無城砦土兵寡弱元昊嘗以金幣王爵誘保安軍諸族巡檢劉懷忠懷忠毀印斬使元昊怒點其軍作五頭項每頭項作八溜共四十溜脅降屬戶悉壤沿邊籬落七百里中兵烽不絕逕攻



保安軍懷忠出戰敗死鄜延鈐轄盧守勤急使巡  
檢指揮使狄青將兵拒之青臨陣披髮帶銅面具  
往來奮擊元昊知不敵解圍退元昊冠保安司馬  
光稽古錄在十二  
月而范雍疏  
在十一月趙珣曰是役也元昊棄下攻城之  
具極多然觀其器極拙鈍不堪用蓋欲邊將見之  
疎其備也

復圍承平砦十二月環慶官兵攻後橋堡及十二盤  
乃還

先是元昊爲金銀冠佩陰飾甲騎以遺屬羌約爲

內應知環州趙振潛以金銀誘取之得冠佩銀鞍  
三千甲騎數百使告鄰郡俾以環州爲法不聽于  
是東陵萬劉諸族勝兵數萬元昊皆誘而有之時  
攻保安不克退圍承平砦砦將出戰擒之掠軍民  
甚衆鄜延部署許懷德兵馬都監張建侯率勁卒  
千餘突圍奮擊元昊令一驍騎出陣前據鞍嫚罵  
懷德引弓一發仆之兵士皆駭走李氏長編云承平所以不破乃  
許懷德之力而范雍疏內稱元昊相持六日間環  
懷德不歷軍陣不知何據  
慶鈐轄高繼隆同知慶州張崇俊領兵入界拔後

橋堡

李氏長編云破後橋堡實錄載于明年正月十七日蓋記其行賞耳司馬光稽古錄記在

是年十二月趙珣聚米圖經在十一月據范雍論諸路出兵牽制則聚米圖經當得其實

淮安

鎮都監劉政走馬承受石全政破蕩吳家等族盛兵截十二盤口恐歸路斷引還

閏十二月遣賀永年置嫚書於歸娘族

元昊素知契丹使者入南朝倨傲殊甚故遣使輒選强辨有智盛其騎從使之當廷抗對肆行倔强富弼奏疏元昊遣使全擬虜廷部伍甚雄辭禮俱亢觀其勇悍難制强辨自高若非使者請行卽是元昊選任以能揣國情爲智以不辱使中國每優命爲賢必謂莫敢加誅得以恣其倔强

容之及稱帝表至朝臣請誅使者尙書左丞程琳  
曰遣使常事也殺之不祥後使來益驕或議因使  
者入傳舍壞垣斃之琳曰前不殺無罪也今旣驕  
橫法當死因暴其罪誅之于是元昊不復遣使用

楊守素言遣賀永年于是月

元昊嬖書宋史仁宗紀不詳夏國傳則在

六月削元昊賜姓後考夏墓事述元昊嬖書賈嬭稱天授禮法延祚元年十二月蓋此年末也

書納旌節告勅及所得勅榜置神明匣留歸娘族

境上延州上其書畧曰持命之使未還南界之兵

早動漫于鄜延麟府九處入界

李燾云嬖書言遣兵九處入界實錄

正史不詳當考

未聞涇原環慶一旅凱旋又曰南兵善走

棄下旗鼓刀鎗甚多我將出奇殺却漢蕃軍吏兵  
民不少又曰既先違誓約又別降制書誘導邊情  
潛謀害主諒非聖意有偏必皆公卿異議有失宏  
規全忘大體又曰蕃漢各異國土迴殊幸非僭逆  
嫉妬何深況元昊爲衆心之所推循拓拔之遠裔  
爲帝國王有何不可又曰嵬伽回將到詔書與界  
首張懸勅旨不同言不由衷人真無信又曰元昊  
與契丹姻親有素炎宋與契丹玉帛久馳倘契丹

聞中朝違信嫚言亦遣全師請罪西北交困廟算  
何施又曰伏冀再采菲言深詳微懇回賜通和之  
理薦行結好之恩尾稱天授禮法延祚元年冬十  
二月書 史臣曰元昊妄肆逆謀慮下不從上此  
嫚書規得譴絕以激怒其衆時著作郎張方平請  
順適其意使無由猝發得歲月之頃以其間選將  
勵士堅城除器爲不可勝以待之雖終于必反而  
兵出無名吏士不直其上難以決勝小國用兵三  
年不勝必折我以全力制其後必勝之道也時天

下全盛皆謂其論出姑息決計用兵遂致西州重困惜哉

誘鄜延都監李士彬士彬執使人斬之

元昊爲書以錦袍金帶投金明縣境上

宋史范雍傳元昊引

兵數萬破金明砦周美傳康定初美請修金明砦通鑑諸書仍之考地理志熙寧五年省金明縣爲砦則仁宗時不當以砦稱也約士彬同叛候人得之諸將皆疑

鄜延副都部署夏隨曰此夏人行間耳士彬與羌世仇若有私約通贈遺豈使衆知耶召士彬與飲厚撫之士彬感泣誓立功自効已而元昊潛使人

入金明誘士彬曰果約降當富貴與共士彬斬使縱從者還報士彬繼周子也

遣使入鄜延請和

元昊遣供備庫使毛迎啜已至鄜延境上賫表請和辭甚悖慢中國不從遂激衆曰吾求罷兵而南朝不許柰何于是衆怒戰益奮

殺蕃族吹同乞砂等家

乞砂西蕃首領與弟吹同山乞各率族兵于蕃界撿夏官內奔元昊追之不及盡誅二人家屬乞砂



等至中國授三班奉職繼擢左千牛衛大將軍各  
賜帛三十疋茶三十觔使還本族捍御

乞砂陞擢  
在康定元

年二月庚子

茲并書之

附

楊偕奏議閣門祇候王文恩入西界爲夏所  
敗土兵皆竄惟東兵二百人捍拒射殺夏兵甚  
多據李氏長編列偕疏于寶元二年末或移見  
明年二月偕自河中徙陝時疏中言卽近事而  
是時宋兵入夏紀傳皆不載

康定元年

契丹重  
熙九年

夏天授禮法延祚三年春正月朔

日有食之

日西先有一珥楊守素曰此吾軍勝象也力請元昊取延州

破金明縣執都監李士彬

元昊誘士彬不得使蕃部詐降士彬白知州范雍請徙置南方雍不可賞以金帛令隸麾下於是降者絡繹分置諸寨甚衆元昊又令將士與士彬遇輒不戰而退曰我等聞鐵壁相公名莫不膽墜地也士彬聞之氣益驕一日縱兵自保安軍土門路

入聲言取金明

魏泰東軒筆記云康定中元昊入延州東路安遠承平兩砦又以兵

犯西路聲言將襲保安軍故延州發兵八萬支東西二隅而元昊乃乘虛由北路襲金明

士彬嚴兵待夜分不至釋甲而寢翌旦兵大入降者執

士彬及子懷寶以獻

趙珣聚米圖經云元昊本舉兵趨延州延州悉發兵捍東

西二路士彬所部兵既分保極邊小砦但以數千人屯黑兒砦夏兵併入中路衆寡不敵一日間三

十餘砦盡破士彬父子俱死又司馬光記聞云夏人入寇范雍令士彬分兵守三十六砦士彬子懷

寶諫曰今當聚兵禦寇分則勢弱不可支也士彬不聽懷寶遂戰死士彬急使其心腹赤定軍主以

珠帶示母妻使述母妻策馬走延州范雍不信使人訶之皆爲夏人所擒又云元昊得士彬割其耳

而不殺後十餘年乃卒與宋史夏國傳異

陳仁錫曰士彬世守金明

部兵十萬延州號鐵壁相公專使控扼中路元昊使軍吏詐降怯戰以驕其氣又知士彬馭下嚴士心不悅輒以金爵誘其所部渠帥及兵大入降者內應左右以弱馬鞍士彬并其子致之元昊抑何畧也

按金明一邑舊砦三十六胡兵十萬人其北百里間有塞門安遠栲栳三砦洵延州之保障熟戶之藩籬也士彬貪而無智常誘趙山遇內奔侵沒其珍寶萬數致陷山遇以死元昊之計取

百端非獨金明有必爭之勢亦與士彬有不解之冤也

附

韓琦安陽集元昊侵鄜延熟戶李士彬及米知順李思等族俱爲之降且擄據李氏長編米知順係保安熟戶其降虜月日未見李思并不詳何處熟戶

分掠安遠永平諸砦不克

安遠居極邊元昊兵破其門再重至第三門監押邵元吉總軍士奮擊拒守累日衆乃退永平砦主

初欲歛兵避山中指揮史吉率所部遮城門詰欲何之砦主以謀告吉曰如百姓芻糧何且異日爲有司所劾罪當死請先斬吉馬前不敢從行也砦主慙而返吉登陴力拒城得以全

進攻延州敗官兵于三川口執副總管劉平等

初元昊將攻延州使衙校賀真至州言欲改過歸命范雍喜禮真歸之遽以上聞不復設備及金明破元昊得士彬帳下蕃兵數萬驅之逕薄延州州夾河爲兩城雉堞卑小兵士登九州臺瞰城中如

畫攻圍甚急時副都部署石元孫領兵在外守城者纔數百人鈐轄內侍盧守勤對雍號泣謀遣都監李康伯通欵康伯寧死不肯行雍急召鄜延副總管劉平于慶州平督精銳合元孫兵晝夜倍道而前至萬安鎮平先發元孫繼進夜至三川口西十里止營遣騎兵先趨延州爭門平與鄜延都監黃德和巡檢万俟政結陣東行方五里元昊預爲偃月陣待之復令步兵涉水爲橫陣衝擊官軍不勝復蔽盾而前令驍將揚言獨當裨將郭遵遵揮

鐵杵碎其腦兩軍皆奮呼搏擊劉平右頸左耳猝中矢元昊知平受傷日暮以輕軍進薄官軍不能禦黃德和先走衆大潰遵持大稍橫突之元昊見不可敵使人持綯索立高處迎遵馬輒爲所斷因縱使深入攢矢注射馬中矢仆地殺之

王向記客言遵舍軍

親遣黃德和壁趣救兵德和不從還與夏兵戰坐下馬被射死步行殺數人走東原大崖下趨環州聞德和已斬死事者皆得封遂匿不敢出其說異平率餘衆退保西南山

立七柵自固夜元昊使人叩寨問主將安在平戒軍士弗應復使人假爲戍卒遞文移者平殺之抵



四鼓環營大呼曰如許殘兵不降何待平旦又使人呼曰汝降乎不然當盡死平卒不應元昊舉鞭麾騎自山西出截官軍爲二大敗之執平與元孫等會雨雪兵士弛備聞麟州都教練使折繼閔柔遠砦主張岳襲破浪黃黨兒二族軍主敖保被殺并代鈐轄王仲寶以兵入賀蘭谷蕃將羅逋又敗于長雞嶺乃解圍

范雍墓誌云二帥陷沒城中大恐無可守之勢雍曰延安西夏

之咽喉不守則關輔皆危今人力竭矣城南有嘉嶺山其神素靈乃望而禱之是夕陰晦雨雪大下夏兵暴露不知所爲乃引去其說近誕

魏泰曰劉石之援延州也

兵抵大柳樹去州二十里日向夕忽有來使宣狀云范太尉已候城之東門然暮夜納衆恐透漏奸細請寫放人馬庶辨真譌也二將信之下馬據胡床躬撥隊伍每一隊行及五里許又放一隊至更餘約放五十隊矣二將顧問來使忽失所在心知有變遂整陣而前至五龍川去延州纔五里忽四山鼓角雷鳴埃煙斗合蕃兵壙進倏忽之間已陷重圍蓋夏人前一夕偷號入金明先斷東北路以致二將于覆中計亦狡哉

按

西界興兵之後境內生聚牛羊皆遷徙遠匿其守備族帳僅老弱耳然官軍入界遇之輒奔還不敢一戰若延州之寇夏人大寨在城北五十里五龍川口其後隊直接魚家庄庄去州二十里較其衆約十餘萬平等以八千人赴援謂其下曰義士赴人之急蹈湯火若平地況國事乎蓋明知勢有不敵而勇於公義奮不顧身不得以身入重地訾其無識也

附

李氏長編康定元年三月戊午原州乾興砦

主李繼明監押孫佖並扶脊刺配沙門島由夏  
人圍鎮西堡坐不卽救援也攷宋史夏國傳元  
昊是時尚未入涇原鎮西之圍紀傳無考長編  
疑誤

附 王闢之澠水燕談錄康定中趙元昊旣擄劉  
平遂約吐蕃毋得與中國陰相爲援朝廷患之  
使尙書屯田員外郎劉渙至青唐諭以恩信攷  
宋史唃廝囉傳元昊反使侍禁魯經持詔諭廝  
囉使背擊元昊旣元昊屢寇邊仁宗復遣經經

固辭于是渙應詔往並無元昊約和吐蕃事

附

一統志涼州平番縣北六十五里岔口之東  
偏有古荒址云宋康定初夏趙元昊築城于此  
以拒西蕃兵攷夏臺事迹及宋史夏國傳此事  
不得其詳